

E.Wallimann / B. Debrunner
So schön cha das si

f, f (B-Dur) (2.st.Jodel)

T. B.

E lustigi Bandi sitzt rund ume
Tisch, si singe und jutze will's
allne drumm isch. Jo alli sind
z'friede und glücklich derby, gar
niemer duet schtürme ,so schön
cha das si!

E richtige Jodler singt tief us
em Härz, wenn's tönt und wenn's
chored, vertribt's jede Schmärz.
Hesch Chummer und Sorge,
s'got sicher verby, wenn wieder
tuesch lache, so schön cha das
si!

Es wunderbar's Läbe gäb's uf
dere Wält, wo niemer duet
schrite wäg nüt und em Gäld. De
Herrgott wird's länke und dänked
derby, dass s'Guete duet
gwünne, so schön cha das si!

*.... So schön ja so schön so
schön cha das si!*